

քերը: Ինչպէս ամբողջ Եւրոպայում միաժամանակ տարածուեցին մեքենաները, շոգեչարժերը, ելեկտրականութիւնը եւ գիտութեան արտադրութիւններից հաւասարապէս օգտուեցին ամբողջ Եւրոպան եւ Ամերիկան, սրանց հետ զուգընթացաբար աշխարհի միւս մասերը. այդպէս էլ պղնձի, երկաթի, մետաղների եւ կրի գործածութիւնը կատարուել է Միջագետքի ամէն մի ծայրում, մինչեւ գետերի ափունքը միեւնոյն դարում: Նոյն իսկ Նայիրի երկրի հիւսիսային ծայրի Ճորոխի գետի համանունը էլամի ամենահարաւային գետի վերայ՝ ձերբոխը ստիպում է մտածելու, թէ անշուշտ սրանք իրարից են փոխ առած: Եթէ երկաթը 750 տարի առաջ Նայիրի երկրի ապտոսժների քանդակագործութեան համար գործածուել է, չէր կարող նոյն դարում չգործածուել այդ մետաղը Միտանայում, Հաթթերի երկրում-Կիլիկիայում, էլամում եւ ստորին Միջագետքում: Տարակոյս չկայ, որ կիրը նախ գործածուել է Նայիրի երկրում, որպէս տեղական նիւթ եւ ապա տարածուել է դէպի հարաւ: Նայիրի երկրում կիրը գրեթէ չնչին արժէք էր կազմում. իսկ Մանասը դաշտում նա շոայլութիւն էր, քանի որ հեռաւոր երկրներից պիտի բերէին կրաքարը լաստերով եւ տոփերով: Այս բոլորից կարելի է հետեւցնել որ Ակկաա-Սումմէր աշխարհի մտքի եւ ձեռքերի արտադրու-